

حرید علیہ

مشیت جلیلہ اسلامیک حریدہ رسیہ پیدر

صفر ۱۳۳۷

عدد: ۴۰

آیدہ بر نشر اولنور

دوبجی سنہ

« رهگذار مساعیمزه بیفدینی مشکلاتك ازاله سیله مشغول وبوخونین وهولناك محادله نك »
 « نهایته سلاحلر من المزده متین وساكن منتظر بولوندیغمز برصردهه بالقان جبهه سنك »
 « دشمنلر طرفدن یارلمسی وبالنجه بلغارستانده تحصیل ایدن هیجان بولغار حكومتی »
 « منفرد برصلح عقدینه اجبار ایتدی . برطرفدن وضعیت جدیده نك استلزام ایتدیكى »
 « تدابیر سریعه عسكریه در حال مباشرت ایدیلر ك متفق اودولر بالقانلره وزود »
 « وحكومتده مملكتك اسباب مدافعه سی تأمین ایده جك تدابیره توسل ایلش و دیگر »
 « طرفدن آمریقا رئیس جمهورى موسیو ویلسونه حرب عمومینك تسویه قطعه سنك »
 « ومستقبل مناسبات ملكك استنادكهی اولق اوزره در میان ایلدیكى اساسات دائره سنده »
 « صلح مذاكره سنه حاضر اولدیغمز بز ومتفقلر من طرفدن بیلدیلمشدر . اتخاذ ایدیلن »
 « تدابیر عسكریه وسیاسیه نك بزى متفقلر منك یاننده حیثیت وشرفلره متناسب برصلحه »
 « ایصال ایلله جكندن امیدوار بولونیورم . وطنك بیوك بر قسیمی دشمندن تخلیص »
 « ایلش ایهده هنوز بك قیمتی اقسای آبك استیلامی آلتیده بولونیور . اردومك »
 « قهرمانجه باشلادینى وظیفه جی شرفله ختامه ایردیره جكسه امیتیم برکالدر . جناب حقك »
 « جمله منى فتور و یأسدن قورومسنى وتشت و اختلافاته میدان ویرلمیه رك سرلرده »
 « دشكل مساعیكزده موفقیت احسان بیوزمسنى تمنى ایلله مجلس عمومینك اوچنچى »
 « دوره تشریعه سنك بشنچى اجتماعى كشاد ایلرم . »



مجلس ايمانك عریضه جوابیه سی

شوكتماب افندمن

برادر امجد ملوكانه لری خاقان مغفور سلطان محمد خان خامس حضر تلیرنك وقوع
 ارتحاللریله قلوب ملتده تحصیل ایدن تأثراتی هر نصلسه کیرلش اولان شو حرب جهانشمولك
 اخیراً تولید ایلدیكى مشکلات فوق العاده حیننده بالارث والاستحقاق سریر شوكت مصیر
 خلافت و سلطنته جنوس میامن مأنوس هایونلری تعدیل ایلله ملك سلامت وسعادت
 آتیه سی نقطه نظرندن قلوب انامده بك بیوك امیدلر او یاندیرمش اولمغله هیئت عیدانه من

درگاه قاضی الحاجات عرض تحمیدات و مجالس عمومینک اوچنچی دوره تشریعیه سنک بشنچی اجتماعی مناسبتله عن خطاب شهریارلیرینه مظهریت وسیله سیله ده سده سنیه هایونلیرینه رفع تبریکات و تشکرات ایلر .

امیت و وفاق و اتحاد داخلینک تأسیس و ادامہ سی و حربک تأثیرات متنوعه سنک تهوینی واعاشه عمومیه ایله اردوی هایونلری احتیاجاتنک تنظیم و نظمینی حقنده کی ارادات الهام بیانات هایونلری محض حکمت و مصالحتدر اشبو ارادات سنیه ملوکانه لرینک بوندن بویله اولسون حیز آرای حسن حصول اولسی اسباب و وسائلنک استکمالی آرزو کرده عاجزانه مزدر .

دشمن قارشیدنده هر درلو مزاحمه قاتلانمقده بولانن جبهه مزک قوت و ثباتی داخلده کی جبهه ملیه نك متانت و رصانته متوقف اولوب هر ایکی جبهه نك حصول موفقیته آمال خیریه ملیه نك تمامی انکشافی شو مشکل وغایت مهم زمانده هر درلو اختلافانک کوکندن رفع و ازاله سیله بالجله عناصر عثمانیه ارسنده مساواتک و عدل و حقک تمامی تأمین و آسایش عمومینک ازسرنو تأسیسی کبی اسباب حقیقیه به متوقف اولسیله جلوس هایون ملوکانه لرینی متعاقب شرفیاض صحیفه صدور اولان عفو عالینک حسب الزمان عمومه تشمیلی و مقدما تهجیر ایدلش اولانلرک هان محاکمیرینه اعاده لری واموال منقوله و غیر منقوله لرینک کندیلیرینه رد و تسلیمی لزوم و اهمیتی وارد خاطر اولمقده در .

بویادره عظمایک شرفلی برصلاح ایله خاتمه منتظر بولندیغمز هنگامده متفکر مزدرن بلغارستانک بقتة صلح منفرد عقدینه تشبثی حسبیله بر طرفدن وضعیتک استلزام ایتدیکی تدابیر سربره عسکریه تشبث و دیگر طرفدن آمریقا رئیس جمهوری موسیو ویلسونه درمیان ایلدیکی اساسلر دائر رسنده دیگر متفکر مزله برلکده مراجعت ایدلش اولدینی حقنده کی بیانات سنیه لری هر حالده موافق حکمت و بصیرت اولوب آنحق بالقانلرده و سوریه جهننده وضعیت عسکریه نك ایلدینی شکل اخیر و حاضره نظراً ممالک شاهانه لرینک بحق مدافعه سی تأمین ایده بیله جت صورتده كافة منابع ملیه به مراجعتله فرمان بیوریلان تدابیر مکمله عسکریه و سائر نك تأمین موقیت ایده جک غایت متین اساسلره مستند اولوب اولدینی شایان دقت و اهمیت اولدیقندن بو بایدہ امنیت وقناعت شاهانه لرینک حصولی هیئت عیندانه مزجه تمنیات مخصوصه دندر .

وطنک بیوک بر قسمنک دشمندن خلاصیاب اولسی جناب حقک شایان شکران

بر لطف جلیل بیعدلی اولوب پک قیمتدار اولان اقسام سائر نك ملتجه سنه لردن بری اختیار اولنان عظیم فدا کارلقلره رغماً هنوز دشمنك پای استیلاسی آلتنده بولمسی و بو استیلاسی مؤسفاك آن بآن توسعی صوك در جهده موجب الم واسف اولمقله اقسام مذکور نك ده عون و عنایت حقله و تدابیر سریعہ حکیمانہ و سیاسیه ایله استرداد ایدیلرلك و طنك استكمال تمامیت ملكیه سنه موفقیّت تاجداریلری الطاف صمدانیه دن تمفی واستدعا اولتور .

عهده سنه ترتب ایدن وظائفی ارشادات سنیه ملوكانه لری دائره سنده ایضیه بذل اقدام و غیرتدن خالی قالمایان هیئت عاجزانه ضرر یو دوره اجتماعیه ده دخی تودیع ایدیلرلك مواد قانونیه نی لایق اولدقلری اهمیتله تدقیق ایده جکلرینی عرض ایدر و عهد جلیل ملکداریلری وطن و مات ایچون بر دور جدید تکامل و موفقیّت اولماسی تمنیات خالصانه سیله ازدیاد عمر و عافیت و شان و شوکت شهنشاهیله دعا سنی رفع بارگاه احدیت ایلر .

مجلس معوثانك عریضه جوابیه سی

شوکت مآب و خلافت پناه افندضر حضرتلری

برادر مکرم شهریاریلری خلیفه و خاقان سابق سلطان محمد خان خامس حضرتلرینك ۳ تموز ۱۳۳۴ تاریخنده وقوع ارتحال لردن متولد تأثرات ملیه نك آنجا ق سریر سلطنت و خلافت بالارث والاستحقاق شرف بخش میمنت اولان ذات ملوكانه لرنده متجلی علو خصال شاهانه ایله تعدیل و تسکین ایدلمش اولدیقه قانع بولنان مجلس عاجزانه ضرر او ضیاع الیمدن دولایی وظیفه تعزیتی ایضا ایله برابر توفیقات کریمه الهیه مظهریت خلافت پناهیلری تمنیاتی اظهار و احوال فوق العاده ایچنده مجلس عمومینك اوچنجی دوره انتخابیه سنك بشنجی اجتماعی حسب الایجاب وقتندن اول کشاده انعطاف ایله یین اراده تاجدارانه لرینی تجلیات مخصوصه ایله تلقی و تذکار ایلر .

بدایت جلوس شهریاریلرنده حکومت سنیه لرینه خط اباً اصدار بویوریلان خط هایونلرنده امنیت و وفاق داخلینك تأسیس و ادامه سی ، تأثیرات حربیه دن مضطرب اولان ملتک تهوین آلامی و اعاشه عمومیه ایله ازدوی هایونلری احتیاجاتك تطمینی کی حال و زمان اعتباریه لك مهم نقطه لره تماس ایدن اواصر سنیه شهریاریلری بوتون ملتجه موجب شکر و محمّدت اولمشدن .